

天津政俗沿革記卷一

輿地

幅員

因革

城垣

坊巷

鄉鎮

署廨

路 電車坵

天津界燕齊之交負滄海跨九河東至甯河西訖靜海

北接武清南又抵靜海立縣伊始民居寥廓逮縣既建  
爲水陸所湊民蕃物廕在畿輔之內蓋壯哉一緊縣也  
縣境當周秦漢唐宋金之世盤於海上號名隨世更易  
縱追所託始觀其離合然可述者稀矣自元事海運設  
海津鎮逮明永樂二年設天津衛爰啟衛城清雍正三  
年始置天津州割三縣以隸之九年復易爲天津府坵  
郭之縣至是廛里開廓乃雄於朔方焉衛城之建明工

卷一

一

部尙書黃福平江伯陳瑄都指揮陳達實典其事區宇  
之制城凡九里十三步高三丈五尺廣二丈五尺海上  
幽遐獨邃之區經城洫營郭郭周以百雉展其規制抑  
可謂豐約得中者已斯後清代屢有修築之舉同治間  
李鴻章督直隸行署駐天津奏請於大沽海口後路三  
十里建設新城而縣治仍舊光緒庚子之難將天津縣  
城隕牆填塹拓迹開衢於是微道外周環涂驟廣平達  
四達俾行人無障塞之隔雖曰應時變通乎然亦供人  
懷舊之想也方縣之初立坊表衢巷亦翼翼將將洎後  
物阜人繁居者窒隙塞巷旣乃轉相踰延近則靡地不

營夷險芟荒咸表以新市精心構造爽塏宏壯日爭新  
異與沿海巨埠相頡頏矣津之鄉鎮東自頭甲至西隄  
爲村凡八十六南自倪家台至蘆北口爲村凡一百西  
自碾陀嘴至炒米店爲村凡五十二北自鈔關至上浦  
口爲村凡七十七乾隆元年撥歸楊青驛巡檢村莊凡  
四十三西沽巡檢村莊凡九十七葛沽巡檢村莊凡五  
十五其經年閱歲與時殊異有可考者未容或沒也古  
者匠人營國必以內外九室別公卿次舍之區衙署之  
建伊昔爲重矣天津設一道一府一縣其次舍因官秩  
爲隆殺天津總兵亦作鎮是疆而長蘆巡鹽使院及鈔

卷一

二

關公署亦設於天津則財富委積恆足爲國輕重同光  
閒直隸總督兼北洋大臣復移駐於此行署之設規模  
大啟風衍遐圻四方繫觀聽焉新政設提學司巡警道  
勸業道其視事之所雖財力所限未足肆其雄觀然建  
造敷設視常制不侔矣他若丞尉之署改易晦塞有可  
知者紀之存其舊也其他公廨擇要載焉至如道路蕪  
而不治爲昔人所譏天津城市途路曲躡常苦踣蹶低  
昂通商後雖窮負極遠之人亦霜來露往而方轅接軫  
出於其途者輻輳不絕也近年當路病街衢污下乃時  
治之近益多坦塗車馬衝要之區大都繩直砥平矣自

光緒庚子之役城隍夷塞卽其址經營電車軌道雲翔電發環城過市頃刻而至然野老遺民憑弔舊城故址環城軌道卽其許焉爰自幅員以下咸綜合而條貫之著以紀錄備考覽

### 幅員

天津縣附郭東至順天府甯河縣界四十里至縣治一百三十五里西至靜海縣界三十六里南至靜海縣界五十里至滄州界一百二十五里北至順天府武清縣界三十五里至縣治一百里東南至海一百三十里至滄州界一百四十里西南至靜海縣界三十里至縣治

### 卷一

### 三

七十里東北至順天府寶坻縣界五十里至縣治一百五十里至武清縣界五十里西北至武清縣界四十五里至縣治一百二十里此據光緒畿輔通志也舊志載畿輔通志東一百里至海西三十五里至靜海縣界南三十五里至靜海縣界北三十五里至順天府武清縣界東南一百一十里至海西南二十五里至靜海縣界東北七十五里至順天府寶坻縣界西北五十里至順天府武清縣界東西廣九十里南北長七十五里按縣冊云邑在京師東南二百四十里東西距九十里南北距七十三里東至海一百一十里西至順天府霸州界

九十里南至滄州界六十里北至順天府武清縣界三  
十八里東南至海一百一十里西南至河閒府治一百  
一十里東北至順天府寶坻縣界五十里西北至武清  
縣治三十里又云東至寶坻縣界六十里西至靜海縣  
界三十里南至靜海縣三十八里北至武清縣界三十  
八里東南至海一百一十里西南至靜海治四十九里  
東北至寶坻縣五十里西北至武清縣治三十里與畿  
輔通志所載互有異同因并錄之以備攷續志載義倉  
圖天津郡城東至甯河縣界四十里至縣治一百四十  
里西至靜海縣界三十五里至縣治七十五里南至靜

卷一

四

海縣界四十二里至縣治七十五里北至武清縣界四  
十五里至縣治一百二十里東南至海一百二十里西  
南至靜海縣界四十里至縣治七十五里東北至武清  
縣界五十里至縣治一百三十里西北至武清縣界四  
十五里至縣治一百二十里按天津地有與寶坻滄州  
交界者通志舊志並云東北至寶坻查天津東北鄉郭  
家莊爲天津甯河寶坻三縣界寶坻志亦云正南至隄  
頭村界天津舊志云南至滄州按海上地名小井其南  
五里有水溝四水溝以南係滄州管轄水溝以北係天  
津管轄天津疆域惟義倉圖言之最精然不言界寶坻

滄州猶爲闕略今按舊志續志所載與光緒畿輔通志不同惟舊志據舊通志及縣冊云兩存備考續志據義倉圖云猶爲闕略是舊志續志於天津縣幅員迄無定論也參考兩志舊志界至無甯河續志界至無滄州寶坻茲以光緒畿輔通志近而有徵取以冠諸篇之首也

### 因革

天津縣揆之禹貢蓋在冀兗二州之域而周爲幽兗二州地春秋爲燕地秦爲上谷郡境漢爲幽州漁陽郡泉州縣又爲勃海郡及郡之章武參戶二縣地後漢爲幽州漁陽郡泉州縣又爲冀州勃海郡及郡之章武縣地

## 卷一

## 五

晉爲幽州燕國泉州縣又爲冀州章武國章武縣及勃海郡地北魏爲幽州漁陽郡之雍奴縣又滄州及州之浮陽郡章武縣地隋爲冀州涿郡雍奴縣河間郡魯城縣長蘆縣及兗州勃海郡地唐爲河北道幽州范陽郡武清縣及滄州景城郡乾符縣長蘆縣宋爲燕山路燕山府武清縣又爲河北路滄州清池縣及清州地金爲中都路大興府武清縣河北東路滄州清池縣及靜海縣地然曩無名蹟可稽特舊志探討他籍爲考古之資而已元延祐三年設海津鎮於直沽其地遂爲海津鎮及大都路瀋州武清縣滄州及清州靜海縣地明永樂

二年設天津衛天津左衛天津右衛於小直沽其地遂爲天津衛及順天府武清縣河間府滄州靜海縣地清初因明之舊逮雍正三年三月改天津衛爲天津州設知州屬河間府天津衛原轄百四十三屯就近以毘連武清靜海滄州之地併入之是年九月改天津州爲直隸州管轄武清青縣靜海三縣九年吏部議覆署直隸總督唐執玉奏天津直隸州係水陸通衢五方雜處事務繁多請升州爲府設知府附郭置天津縣設知縣是縣與天津州原轄之青縣靜海二縣及滄州南皮鹽山慶雲一州三縣統歸府轄部議從之而天津自是遂爲

卷一

六

近畿一壯縣矣

城垣一

縣城

天津城係明永樂二年工部尙書黃福平江伯陳瑄都指揮陳達築弘治閒副使劉福賚以磚石周圍九里高三丈五尺廣二丈五尺門四萬厯十四年副使王來貴重修清順治十年總兵甘應祥副使梁應元重修康熙十三年總兵趙良棟因門樓藏火藥令逼近城垣民居拆毀改築離城三丈復濬城濠之填塞者於城東南隅築石閘一座引海河潮水周城濠四面由南城水門入城雍正三年城濠皆壞鹽院莽鵠立題請商人安尙義

安岐父子情願捐修朝議允令同城官實心幫助就舊  
基築城濬濠周圍一千六百二十六丈六尺垣高一丈  
九尺八寸垛高四尺二寸共高二丈四尺基廣三丈二  
尺上廣一丈九尺共計垛一千四百五十有四東西長  
五百零四丈計二里八分南北長三百二十四丈計一  
里八分五釐周圍九里二分東去海河二百二十步北  
抵衛河三百步舊城四門有樓舊額曰鎮東曰定南曰  
安西曰拱北康熙十三年改曰東運滄海南達江淮西  
引太行北拱神京四角俱有樓其東南角樓卽魁星樓  
也雍正三年修城易四門題署東曰鎮海南曰歸極北

卷一

七

曰帶河至西門鹽院莽鵠立題請奉旨賜名衛安門乾  
隆十一年十七年二十四年均經直隸總督飭蘆商捐  
修二十九年直隸總督發查茂德罰款三十一年直隸  
總督飭發天津縣辦差餘銀三十九年四十九年五十  
五年直隸總督飭發公帑歷次修理嘉慶六年河水漲  
發浸漫城根城東西北三面坍塌數丈至十餘丈至數  
十丈不等西南西北兩角樓亦傾圮裂直隸總督奏  
請補修重築及光緒庚子之難聯軍據城而城遂廢矣

城垣二 濠牆

咸豐十年統兵大臣親王僧格林沁築建濠牆距城里

餘至五六里不等營門凡十一東沈家莊東北錦衣衛  
橋窰窪北玉皇廟西北佟家樓教軍場西善慶菴三官  
廟南海光寺東南梁園行宮圍長共三十六里濠如之  
同治七年春捻匪北竄畿南各州縣多遭蹂躪上命通  
商大臣兵部侍郎崇厚督辦津郡海防軍務以津郡無  
險可阨賊勢飄忽必先限其奔突以頓之於是修牆濬  
濠親臨督催剋期完竣於各塚口排列抬鎗礮車凡守  
禦之具無不精備迨四月初賊大股長驅回竄勢將直  
撲郡城時兵力單援軍未集幸有濠牆足資固守賊偵  
知防禦嚴不敢近逼麇集於南鄉之八里臺一帶疊次

卷十

八

衝撲迄不能犯郡城賴以安堵眾始知濠牆足恃而服  
崇之先見焉賊退後崇請帑加高倍厚濠亦濬而深之  
從此郡城固於金湯矣光緒七年七月直隸總督李鴻  
章飭鹽運使如山等重修各門均如山題署共十四門  
正東曰寅賓正東之北曰鎮遠正東之南曰朝宗東南  
曰凝暉正南曰來薰正南之東曰厚德俗曰小南門正  
西曰西成正西之南曰三慶俗曰小西門西北曰順軌  
曰保衛正北曰拱辰正北之西曰綏豐俗曰小北門正  
北之東曰翊運俗曰隄上門東北曰建魁

城垣三

新城



天津城外地勢散漫無險可守李鴻章督直隸心憂之  
乃奏請於大沽海口後路三十里因其形勢扼要建設  
新城該城距天津城八十里周圍計長九百八十四丈  
輒高一丈九尺海漫高二尺五寸上加築三合土疊牆  
高五尺五寸共高二丈七尺城脚寬七丈五尺頂寬五  
丈五尺疊牆寬二丈二尺城門內有臺四座亦仿礮台  
之式每座脚寬十三丈址寬十二丈六尺頂寬十一丈  
六尺門台址進身長十四丈九尺門台頂進身長十三  
丈九尺輒砌高一丈九尺上加三合土一丈二尺共高  
三丈一尺輒券用曲式門台頂中做大礮棚一座寬六

丈四尺進身五丈四尺高一丈五尺中空五丈高九尺  
進身四丈四圍亦用排柱上用托廩中用大擎柱上覆  
三合土礮棚前面做明礮台兩處三面疊牆中做藥庫  
三處四門門台皆同內城四拐角礮台四座每座隔堆  
三箇中貯藥庫三所安礮兩門每台兵房三間下做大  
藥庫一所四角做法亦同內城牆周圍小礮台七十一  
座每座安小藥庫二城內大礮台三座每座周圍下基  
六十四丈八尺上頂周圍四十八丈二尺高五丈二尺  
台之四周係券洞空心外有大券暗馬道從內盤旋而  
上每台橫券十道每券藥庫一直券九四面皆通可住

礮兵台砌甃高一丈六尺上加三合土一丈八尺安有大礮門九處上有明礮台九每門有小藥庫二礮門相閒有大隔堆四中可走通藏人台頂心有大礮棚一座棚基周圍十六丈二尺築三合土高一丈七尺棚內用大木擎柱並排廩排柱上蓋用三合土周圍又有女牆十一丈四尺高三丈厚三尺上有天橋一道三座台式皆同高厚尺寸均同護城門台址寬十丈進身二丈四尺頂寬九丈四尺進身二丈一尺甃券門洞幫築三合土高二丈一尺上面明礮台兩處外門台灰土月城三面合長二十四丈牆寬三丈八尺礮眼二門券一四處

卷一

十

護城門築法亦同城外皆用三合土護城一道周圍計長一千一百二十八丈高一丈七尺脚寬五丈頂寬三丈五尺護城四拐角礮台四座每角礮洞三隔堆四小藥庫八內另有圓礮台築法亦同護城內兵房十四每處五間城門內卡房八護城內卡房八處每處三間城內東西水關二東西水閘二南北門大橋各一城內小橋十二護城河周圍合長一千八百七十一丈五尺面寬十二丈底寬五丈五尺深一丈七尺倉廩一所北門東北拐大藥庫一所東門外軍裝局一所南門東西新河大橋三日懷新橋日東新橋日西新橋光緒庚子以

後新城殘燬詳誌之俾他年修復知防海守口此爲陸地之要害也

### 坊巷

縣城內外曰街曰胡同街卽坊胡同卽巷也城中建鼓樓四面開衢卽今所謂北門大街東門大街南門大街西門大街北門內有橫街一曰戶部街卽原裁戶部餉司之舊址也街西有所謂宜門口者相傳卽戶部餉司衙署之宜門也鼓樓西有神機庫者明衛所時造也北門外迤東環城開衢隨河彎曲至東門南隅曰估衣街曰鍋店街曰單街曰宮北曰宮南所謂宮者天后宮也

### 卷一

### 十一

曰東新街曰開口北門外迤西環城開衢隨河彎曲曰竹竿巷曰針市街曰太平街曰雙街口均市店叢集之區也北門外直至衛河渡河向北曰河北大街北門外東北角三岔河迤西渡河向北曰大胡同者從前一巷耳今闢爲直街店肆之繁亞於估衣街鍋店街有駕而上之者向北再渡河光緒間袁世凱督直時闢爲大經路直抵京奉路所謂新車站又橫闢緯路以天地元黃宇宙日月等字別之此間經路緯路皆從前荒墟棄壤也西門外街市久已荒廢店肆亦皆微小今稍繁盛然視東北兩門不若也其南門外一望荒涼向多積水自

庚子後外人租借地逼至東南城角及海河東岸歌樓酒肆叢錯其間有工心計者在日本租界毘連地闢三街曰南市大街曰廣益大街曰榮業大街自東南城角至南門外直街繁華美飾與租界地相上下此與河北經緯路皆人迹罕到之處今則肩摩轂擊也昔時天津店肆建築樸實視京師之金碧輝煌瞠乎後也今則爭新鬥巧盡皆新式風俗固日漓矣然肩挑背負之人及挾技謀食之輩藉以資生者不可勝記揆諸損益之理補救之方未可過爲高論也自縣城廢後闢爲東西南北四馬路東北兩馬路日卽繁盛東馬路北接金華橋南至日租界與大胡同相埒矣其胡同之繁瑣錯雜及街市之冷僻者無沿革之可言姑從略焉

### 鄉鎮上

城廂狹隘歷年開闢有舊時村莊今與城市相聯者相沿日久直以爲街市之名如錦衣衛橋海光寺三官廟永豐屯金家窩望海寺馬家口蘆家莊等皆是也窩窪在光緒初年猶是荒瘠之區今則闢經衢開緯路高樓傑閣林木森然今直督行署一帶是也天津村鎮最著者如西沽丁字沽軍糧城大直沽馬廠鹹水沽泥沽葛沽大沽隄頭土城宜興埠皆居戶稠密均與荒僻不同

楊柳青地方繁富幾與從前城治相埒比之近時城治則尙遠也然亦縣治中之大鎮也其地業田者多近代作新疆商業別闢生殖之地科舉未廢時楊柳青在文昌閣設崇文書院成就人材其文藝見稱於時尤爲鄉鎮中所罕見者至東南鄉所謂新農鎮者天津鎮總兵周盛傳於其地開支河建橋閘畎澮交錯樹木成陰則同光以來之新開闢也地無廣狹有人則興鄉鎮繁庶日月新異此特舉其端也至於縣治中各鄉鎮舊志所載者分東西南北四路及由縣治撥歸三巡檢廳者用考舊迹詳之於下篇若夫西鄉之稍直口一名得勝口爲天津縣謝子澄大挫粵匪之地北鄉之北倉爲直入北京孔道光緒庚子馬玉崑於其地與聯軍鏖戰雖一勝一敗然皆於歷史有可傳者

鄉鎮下

東路自頭甲至西隄止八十六村莊曰頭甲曰二甲曰三甲曰四甲曰錦衣衛橋曰鄧家橋曰趙北李莊曰徐家莊曰趙家園曰于家莊曰蓆廠曰于王二莊曰隄頭新莊曰審窪曰季家樓曰李公樓曰唐家口曰田家莊曰大直沽曰郭家莊曰王瓦刀莊曰小王家莊曰大王家莊曰沈家莊曰孫家莊曰歡陀曰劉快莊曰范家莊

曰李明莊曰于家莊曰大畢莊曰黃草陀曰程林莊曰  
小王家莊曰朱家莊曰張貴莊曰宜興埠曰小孫家莊  
曰大孫家莊曰貫兒莊曰泥窩曰唐家莊曰劉家莊曰  
邢家沽道下小汀曰城兒上曰高家莊曰張滿莊曰上  
小汀曰小新莊曰卧河曰小趙八莊曰軍糧城曰黃家  
樓曰大趙八莊曰審兒上曰苑家莊曰桃園沽曰小楊  
家莊曰秦狗莊曰翟家莊曰顧家莊曰下劉家莊曰王  
家莊曰汪家莊曰鄭家莊曰郭家莊曰小李家莊曰崔  
家碼頭曰唐家莊曰潘家莊曰小潘家莊曰柴家莊曰  
南鄭家莊曰鑲黃旗馬廠曰楊家莊曰小鄭家莊曰賈

卷一

四

家沽道曰張達莊曰樓家莊曰大孫家莊曰小孫家莊  
曰田家嘴曰田里沽曰隄頭

南路自倪家台至蘆北口一百村莊曰倪家台曰康家  
花園曰下園曰上園曰靳家園曰砲台曰前小兒莊曰  
後小兒莊曰王姑娘莊曰李七家莊曰八里台曰海光  
寺曰童家樓曰郭家村曰陳家村曰高家莊曰龐家莊  
曰大黎園頭曰小黎園頭曰門家道口曰紀家莊曰林  
家莊曰王監莊曰馬家口曰楊家莊曰凌家口曰尖山  
曰宋家莊曰賀家口曰土城村曰杜家莊曰黑牛城曰  
何家圈曰大寺莊曰王家村曰王家莊曰大任家莊曰

官莊曰朱家莊曰盧家莊曰黃家莊曰吳家嘴曰陳唐  
莊曰李家樓曰前辛莊曰白塘口曰何家莊曰張家莊  
曰賈家莊曰凌家莊曰倪家莊曰北八里口曰北馬集  
曰後辛莊曰灰堆曰雙港曰南八里口曰大韓莊曰八  
里台曰郭家莊曰北楊碼頭曰于家莊曰南馬集曰南  
楊馬頭曰曾家莊曰郝家沽曰周家莊曰李家莊曰大  
孫家莊曰三合店曰草頭沽曰營房曰盤沽曰鹹水沽  
曰巨葛莊曰劉家莊曰楊家岑曰高家莊曰尼沽東莊  
曰葛沽曰楊回莊曰東劉家莊曰鄧家岑曰梁子上曰  
鄧善沽曰黃家圈曰盧家嘴曰楊家樓曰蕭家莊曰大

卷一

五

沽曰班家樓曰孫家樓曰劉家莊曰梁家莊曰泥沽曰  
楊家樓曰赤龍河曰邊家村曰陳林莊曰蘆北口  
西路自碾陀嘴至炒米店五十二村莊曰碾陀嘴曰楊  
柳青曰王家莊曰梁家莊曰太平莊曰王頂隄曰劉家  
莊曰侯家台曰卞家莊曰三官廟曰永豐屯曰小園曰  
大園曰李家墳曰小稍直口曰魏合李莊曰姜家井曰  
大稍直口曰汪家莊曰邢家莊曰北斜曰雷家莊曰大  
蔣家莊曰小蔣家莊曰三教堂曰疙疸曰高家村曰化  
家莊曰羊五莊曰馬家莊曰姚家莊曰趙家莊曰齊家  
疙疸曰郭家村曰馬家寺曰呂彭城曰潘家樓曰謝家

莊曰大小古佛莊曰周李吳莊曰曹家莊曰邵公莊曰趙家莊曰楊家莊曰梁家嘴曰趙家場曰小子家莊曰韓家樹曰三河頭曰青光曰雙口曰炒米店

北路自鈔關至上蒲口七十七村莊曰鈔關曰河北曰大石橋曰金家窰曰望海寺曰吳家嘴曰西沽曰信家台曰丁字沽曰桃花寺曰王家莊曰屈家店曰王秦莊曰肖家莊曰平家莊曰楊家河曰安光村曰丁家莊曰馬家莊曰趙家莊曰達子新莊曰穆家莊曰天齊廟曰劉招莊曰張憲莊曰白廟曰南倉曰馬家莊曰何家莊曰劉家園曰趙家莊曰韓勝家莊曰趙家莊曰霍家嘴

卷一

六

曰南麻疙疸曰新建倉廩曰姚家莊曰小楊家莊曰北麻疙疸曰閻家街曰閻家莊曰大楊家莊曰小周家莊曰大周家莊曰中北倉曰趙家莊曰柳灘曰朱唐莊曰孫家莊曰小楊家莊曰劉安莊曰胡家園曰新房曰李家嘴曰腰窩曰小洵曰賀家莊曰蘆新河曰丁家莊曰雙街曰常家莊曰侯新家莊曰辛莊曰沙家莊曰柴家樓曰張家灣曰馬家莊曰閻家莊曰孫家莊曰郎家園曰孟家莊曰高家莊曰朱家莊曰淖口曰龐家嘴曰下蒲口曰上蒲口

乾隆元年撥歸楊柳青西沽葛沽三巡檢村鎮如左



撥歸楊青驛兼巡檢分轄四十三村莊曰永豐屯曰望海寺曰教場曰金家窰曰小稍直口曰河北曰姜家井曰大石橋曰大稍直口曰鈔關曰汪家莊曰小子家莊曰邢家莊曰趙家場曰北斜曰梁家嘴曰曹家莊曰邵公莊曰小蔣家莊曰楊家莊曰大蔣家莊曰趙家莊曰齊家疙疸曰卞家莊曰李家樓曰雷家莊曰謝家莊曰梁家莊曰馬家莊曰王家莊曰楊柳青河南曰楊柳青曰碾陀嘴曰楊家河曰疙疸曰韓家樹曰三河頭曰青光曰雙口曰安光曰大丁家莊曰小丁家莊曰平家莊撥歸西沽巡檢應轄九十七村莊曰西沽曰信家台曰

卷一

丁字沽曰唐家灣曰吳家嘴曰王家莊曰菜園曰桃花寺曰董家新房曰王秦莊曰桃花口曰屈家莊曰馬廠曰達子新莊曰下蒲口曰上蒲口曰龐家嘴曰賈家口曰窰窪曰隄頭曰王家莊曰于家莊曰西廠曰白廟曰霍家嘴曰柳灘曰天齊廟曰穆家莊曰南倉曰馬家莊曰閻家莊曰中倉曰北倉曰閻家街曰腰窩曰丁趙莊曰小周家莊曰李家嘴曰常家莊曰童家菓園曰柴家樓曰楊家隄曰張家灣子曰狼家園曰胡家園曰淖口曰小街曰貫兒莊曰張貴莊曰陳林莊曰小王家莊曰趙家莊曰黃草陀曰范家莊曰朱家莊曰于家莊曰李

明莊曰大畢家莊曰何家莊曰孫家莊曰歡陀曰劉快  
莊曰西隄頭曰蘆新河曰姚家莊曰侯家新莊曰韓勝  
家莊曰朱家莊曰孫家莊曰大陽家莊曰孟家莊曰閻  
家莊曰趙家莊曰沙家莊曰雙街曰劉快莊曰馬家莊  
曰南麻疙疸曰北麻疙疸曰張憲莊曰朱唐莊曰趙家  
莊曰劉安莊曰賀家莊曰宜興埠曰小洵曰小于家莊  
曰趙家圈曰徐家莊曰趙家莊曰鄧家台曰沈家莊曰  
小王家莊曰大王家莊曰郭家莊曰苑家莊曰小楊家  
莊

撥歸葛沽巡檢應轄五十五村莊曰雙港曰白塘口曰

卷一

六

前辛莊曰後辛莊曰郭家莊曰張家嘴曰于家莊曰北  
羊馬頭曰南羊馬頭曰鹹水沽曰泥沽曰泥沽東莊曰  
盤沽曰曾家莊曰葛沽曰羊回莊曰蕭家莊曰蘆家嘴  
曰郝家沽曰黃家圈曰辛莊曰鄧善沽曰良子上曰大  
沽曰東沽曰草頭沽曰驢渠河曰高領曰白沙頭曰道  
口曰南稍曰營房曰楊家樓曰高家莊曰鄧家岑曰楊  
家岑曰泥窩曰城兒上曰卧河曰窰兒上曰小趙八莊  
曰大趙八莊曰范家莊曰田家嘴曰秦狗莊曰上劉家  
莊曰郭家莊曰四里沽曰下劉家莊曰李家莊曰山潘  
家莊曰小孫家莊曰柴家莊曰王家樓曰南鄭家莊

# 署廨

天津縣衙署雍正十二年奉文在城內舊倉廩基址建築光緒庚子亂被焚燬亂定在南門外迤東改建天津府衙署在縣城之大宜門西雍正十二年建天津道衙署在縣治之東門內大街乾隆二年建初爲總督河道都察院衙署繼而改爲道署直隸總督行署在縣城之三岔河北岸其初爲長蘆鹽課察院衙署康熙元年就餉道衙門改之咸豐元年鹽院缺裁爲三口通商大臣衙署同治九年李鴻章督直兼任北洋大臣卽以三口通商大臣公署爲直隸總督行署庚子亂後袁世凱督

## 卷一

九

直將行署移在河北今之李公祠旁海防公所此則戊戌備作行宮者也天津鎮總兵官衙署在縣城之鼓樓西大街相傳爲天津衛舊署然規模拓大矣長蘆鹽運司衙署在縣城之鼓樓東大街康熙二十七年建造運司向駐滄州至是移天津及庚子衙署被焚因天津縣衙署被焚後改建南門迤西遂就舊縣署基址建運司新署津海關道衙署在東門外迤南濱河其初爲青州分司衙署俗呼爲北司衙門設海關道時改爲關道衙署自直隸總督行署移今之李公祠旁遂以直督行署爲關道衙署光緒季年新設提學司巡警道勸業道提

學使衙署設在今之公園巡警道衙署卽就舊關道公署改建勸業道衙署設在今之京奉路新車站迤北向來衙署其規制皆從同也新設各署改從新式在光緒季年多驚爲未會有焉他如天津縣典史衙署在縣署西天津府經歷衙署在府署東天津清軍同知衙署在西門內大街游擊衙署在西門內神機庫汎地後其初爲屯田察院舊署都司衙署在府署迤西守備衙署在神機庫汎地迤西以上官缺旣裁衙署已廢存其舊焉而已其他公廨曰柳墅行宮在縣城南門外海河東曰海河樓在三岔河北岸曰皇船塢在閘口曰萬壽亭在

卷一

三

北門內只家胡同迤東俗呼曰龍亭行宮河樓船塢清代備巡幸也萬壽亭清代慶賀地也今行宮船塢久廢不存海河樓今爲天主教堂萬壽亭僅存牆壁後來建築有曰大沽船塢在大沽口海神廟李鴻章建爲駐修兵輪處所曰海防營務處在縣城之東門內大街曰蒲口火藥庫在北城外三十六里曰水師營務處在紫竹林法租界曰海防公所在河北窰窪卽今之直督行署也世易時遷每經是地有怦然焉者爰擇其要者載焉

道路

天津縣城爲北洋通商總匯之區北城東城門內外各

有石路一段雖時加修築雨後霜前滑不容足且城內外街道偏窄行旅居民均苦不便沿河泊岸傾圮船舶往來起卸甚形艱阻民益病之光緒九年津海關道周馥詳請直隸總督李鴻章設立工程總局而仿上海籌防捐辦法在新關抽收華商碼頭捐修築道路自紫竹林租界以及天津四城內外直街橫巷一律修治或築土或砌石逐漸而北至入京大道此天津城廂修築道路之原始也及庚子外兵據城廢城垣就城基築爲環城馬路設局抽捐曰房捐曰鋪捐袁世凱督直中外和議成收復天津凡一切房鋪各捐仍之不改用作修築馬路之用設工程處大街通衢均築石子路街巷之要者併擇修焉嗣後設巡警道工程處改爲工程科隸巡警道管轄別設捐務處徵收房鋪各捐并馬車人力車均令月有捐輸爲修道專款凡修築一路所定路綫加寬取直沿路鋪店住戶時有裁改揆諸人情不能無望然行平履坦未嘗非便民之舉也故載其緣起至修築之法有司存焉略之可也

### 電車

電車光緒三十年三月開行初由直隸總督兼北洋大臣袁世凱批准世昌洋行海禮承辦以五十年爲期圍

圓以城內鼓樓爲規心其半徑線至邊界不得過六里之外自閘口起沿河至東北隅圍繞全城四馬路再至北隅今之電車鋪設鐵軌所謂圍城電車者其所行之路綫卽昔年縣城之地址也有欲求所謂天津縣城者雖城堞無存其遠近之地基尺丈之度數可以意存焉故埒於輿地之後城郭已非俾後來問故者有考也圍城電車外又有三焉均從北門外起行一由北門外東行渡海河抵京奉路老車站其二則由北門外東行由日本租界一抵老車站一抵海關也

天津政俗沿革記卷一終